

## SCRIPT OF EVENING GOJRI NEWS BULLETIN 11SEP 1700 HRS

ایونینگ گو جری نیو ز بلیٹن مو رخہ 11 ستمبر 2025

\*\*\*\*\*

یوہ آکا شوانی جموں بے محمد اکرم تے نصرت چوہدری تیں خبر سُنو۔

\*\*\*\*\*

### HEADLINES

- ۱۔ مرکزی وزیر صحت جے پی نڈا نے اج ملک مانہ ڈینگو تے ملیریا گی موجودہ صورتحال گو جائیزو لیو تے ریاستاں تیں احتیاطی تدابیر برتن غی اپیل کی۔
- ۲۔ لیفٹینٹ گورنر منوج سنہا نے اج کہیو کہ بھارت غا نوا فوج داری قوانین ملک غی دہشت گردی غے خلاف صفر برداشت پالیسی نانہ مزید مضبوط کرے غی۔
- ۳۔ لیفٹینٹ گورنر منوج سنہا تے وزیر اعلیٰ نے وادی کشمیر غا بڈگام تیں آدرش نگر سٹیشن دہلی توڑی روزانہ پارسل ریل چلان گا فیصلہ نانہ سہرایو۔
- ۴۔ ڈوڈہ مانہ کشیدگی برقرار ہے تے پابندیاں غا احکامات ہُن وی نافذ ہیں۔
- ۵۔ موسم پلک عام طور ور خشک رہ غو جد کہ 13 ستمبر نانہ پھرتیں بارش گا امکان ہیں۔

\*\*\*\*\*

### HEALTH MIN DENGUE SITUATION

مرکزی وزیر صحت جے پی نڈا نے اج ملک مانہ ڈینگو تے ملیریا گی موجودہ صورتحال گو جائیزو لیو۔ تانجے ریاستاں گی طرفوں چلائی جارہی احتیاطی سرگرمیاں نانہ تقویت لبے۔ مزکوری میٹنگ گے دوران جناب ندا نے ڈینگو تے ملیریا گی روک تھام موجودہ صورتحال درپیش مشکلات گو وی جائیزو لیو۔ انہاں نے ریاستاں مقامی اداراں تے معاشرہ ور زور دتو کہ احتیاط تے روک تھام بارے اقدامات نانہ تیز کریں جناب نڈا نے صحت عامہ گی حفاظت واسطے اس خطرہ گا دور مانہ تمام وزراء اعلیٰ نانہ ایک ہدایت وی دتی تے زور دتو کہ آن آلا مہینہ مانہ چوکس رہیں نالے ڈینگو تے ملیریا گی روک تھام بارے معاشرہ مانہ بیداری عام کریں۔

\*\*\*\*\*

## LG CRIMINAL LAWS

لیفٹیننٹ گورنر منوج سنہا نے اچ کہیو کہ بھارت غا نوا فوج داری قوانین ملک غی دہشت گردی غے خلاف صفر برداشت پالیسی نانہہ مزید مضبوط کرے غی تے دہشت گردی نانہہ سماج تیں ختم کرن مانہہ مدد دے غی۔ بیمنہ مانہہ جے کے پولیس پبلک سکول مانہہ خطاب کرتا واں جناب سنہا نے کہی و کہ نوا قوانین تقریباً 150 سال پُرانا نو آبادیاتی دور غا فوج داری نظام انصاف غی جگہ لے چکا بیس اُنہاں نے کہی و کہ یوہ ایک تاریخی تبدیلی بے جہرو بھارت غا عدالتی نظام نانہہ نو آبادیاتی دور غی باقیات تیں آزاد کرے کمزور طبقات کی حفاظت ور توجہ مرکوز کرے ایل جی موصوف نے کہیو یے ترے قوانین مارا فوج داری نظام انصاف نانہہ مکمل طور ور بدل غے متاثر افراد غی حفاظت ور توجہ دیں نہ کہ صرف سزا ور توجہ دیں اُنہاں نے مزید کہیو کہ یوہ عمل 2019 مانہہ شروع ہوو تھو جد وزیراعظم نریندر مودی نے برطانوی دور غا تمام قوانین غو جاییزو لین غو حکم دتو تھو۔

\*\*\*\*\*

## APPLE PARCEL VAN

جموں سرینگر قومی سڑک ورپسی پین غا سلسلہ مانہہ ٹرک بند ہون نال پھل کاشتکاراں گا تقصانات ناہہ مد نظر رکھتا وان بھارتی ریلوے نیاج ایک موٹر کم پارسل وین یعنی ٹرین نانہہ دہلی تے بڈگام گے درمیان چلن گو اعلان کیو بے ایک سماجی میڈیا پیغام مانہہ مرکزی ریلوے وزیر اشونی ویشنو نے کہیو کہ ٹرین نانہہ نویں دہلی توڑی سیباں نانہہ پُجان واسطے ترجیح دتی جے غی اس سلسلہ مانہہ لیفٹیننٹ گورنر منوج سنہا نے وزیراعظم نریندر مودی تے ریل کا وزیر اشونی ویشنو گو شکریو ادا کرتا واں کہیو کہ اس قدم سنگ کاشتکاراں نانہہ بڑو فائدو وے غو کیونجے ٹرک پھسن نال پھل خراب ہوریا بیس۔ اس طرح وزیر اعلیٰ نے وی ریل وزیر غا تعاون گو شکریو ادا کیو کیونجے ٹرین پارسل کشمیر پُج گئی بے ایک سامجی میڈیا پیغام مانہہ وزیر اعلیٰ نے کہیو جے باغبانی محکماں پھل کاشتکاراں نانہہ پھل پُجان مانہہ تعاون پیش کر رہیو بے۔

\*\*\*\*\*

## GST REFORMS

جموں کشمیر بھر گا رہائیشاں تے تاجراں نے حکومت غی جانب تیں ھال ہی مانہ اعلان کی اگیا جی ایس ٹی شرحاں مانہ کمی غو خیر مقدم کیو ہے اج ہم دساں گا کس طرح یاہ اصلاحات موثر گڈیاں بنان گا کاروبار واسط کس طرح فائدے مند ہے، جدید دور غی جی ایس ٹی اصلاحات غے تحت حکومت نے آٹو موبائل تیں کم انجن غی سیکنڈ ہینڈ نمایا راحت فراہم کی ہے چھوٹی گڈیاں تے 350 گنجائیش آلی 2 ٹائیراں آلی گڈیاں ور جی ایس ٹی غی شرح 28 فی صد تیں کہت کرغے 18 فی صد کردتی گئی ہے اسی طرح تجارتی گڈیاں جسراں کہ بس ٹرک ترے ٹائیراں آلی گڈی تے تمام آٹو گا پُرزا ور وی ٹیکس غی شرح 18 فی صد کردتی گئی ہے۔ ایکسائز گڈیاں 5 فی صد ٹیکس غی شرح ور قائم ہے۔ جد کہ لگژری گڈیاں ور 40 فی صد غی شرح عائد کردتی ہے غی موثر گڈیاں گا سیکنڈ ہینڈ ٹیکس غی شرح مانہ راحت بارے ایک عام شہری نے اس طرح کہیو۔

\*\*\*\*\*

## PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک وین تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا اُمیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی بارڈ کاپی ضروری دستاویزات غے ہمراہ بیڈ ریجنل نیوز یونٹ آکاشوانی پنچترتھی جموں مانہ بزات خود

آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ

www.newsonair.gov.in۔ در دستیاب ہے۔

\*\*\*\*\*

#### DODA TENSE

عام آدمی پارٹی گا رکن اسمبلی معراج ملک نانہہ پبلک حفاظتی ایکٹ غے تحت گرفتار ی تیں بعد 80 تیں متا افراد حراست مانہہ لیا گیا ہیں اس سلسلہ مانہہ مظاہرین تے فوجی دستاں گے بشکار پُر تشدد جھڑپاں تیں بعد اج ضلع ڈوڈہ تے اس گے کول کال غا علاقہ مانہہ کشیدگی پھیل گئی ہے آکاشوانی جموں غا نامہ نگار نے خبر دتی ہے کہ ضلع ڈوڈہ مانہہ اج لگاتار تیجے تہاڑے وی روک تھام واسطے یعنی امتنائی احکامات نافذ ریا ہیں تے احتیاتی اقدام اگ طور ور موبائل انٹرنیٹ تے وائی فائی خدمات بدستور بند رہی انتظامیہ نے سوموار تیں پہلاں اجازت لین تیں بغیر عوامی نقل و حرکت ور پابندی لان آلی بی این ایس ایس قانون غی دھاری 163 نافذ کی اس دوران ضلع گا تمام اسکول تے کاروباری ادارہ اتار توڑی بند ریں گا۔

\*\*\*\*\*

#### CS DFCO

صحت عامہ غی انتہائی اہمیت نانہہ اُجاگر کرتا واں چیف سیکرٹری اٹل ڈصلو نے خوارک غی حفاظت بارے ادرہ غا خوارک حفاظتی شاخ غ کارکردگی غ وجائیزو لیتا واں کہی و کہ خوارک گی صفائی تے محفوظ فراہمی نانہہ یقینی بنان واسطے نگرانی غا نظام مزید مضبوط کیا جیں تے سخت قانون لاگو کی وجے اٹل ڈولو نے خاص طور ور خراب گوشت غا حالیہ ضبطیاں غی پیش نظر خوارک غا کاروبار ور سخت جانچ کرن غی ہدایت کی اُنہاں نے کہی و کہ خاص طور ور ایس ا خوارک گا کاروباریاں غی کری جانچ کی جے جہا صحت گا حوالہ تیں زیادہ خطرناک وے تے قانون غی کلاف ورزی کرن آلاں گے خلاف سخت کاروائی کی جے۔

\*\*\*\*\*

#### HANGUL CONF

گزشتہ روز دوجی بین العقوامی کانفرنس برائے بنگل تے دیگر خطرہ مانہہ  
جانوراں غی حفاظت تیں متعلق کانفرنس غو آغاز سکاوٹ کشمیر مانہہ ہوو یاہ  
ترے روزہ کانفرنس کشمیری ریڈ ڈیریا بنگل تے اس غا قریبی جانور جسراں کہ  
بگھرا بکٹرین ڈیر تے یر کھنڈ تریم ڈیر غا تحفظ ور توجہ مرکوز کرن واسطے منعقد  
کی گئی بے اس تیں علاوہ دنیا بھر غا دیگر جانور جہڑا خطرہ تیں دو چار ہیں ور  
گل بات ہوئی ملک تے بیرون ملک مانہہ 200 تیں متہ جنگلی حیات غا ماہرین تے  
بایو لاجسٹ اس کانفرنس مانہہ شریک ہیں جن مانہہ امریکہ برطانیہ کنیڈہ  
مشرق وسطی وسطی تے جنوبی اسیا گا ماہرین شامل ہیں ذرائع ابلاغ سنگ گل  
کرتا واں کانفرنس غا ایک نمائندہ نے اس طرح کہیو۔

\*\*\*\*\*

#### AGRI DEPTT

ضلع رام بن مانہہ محکمہ زراعت نے اج کل فصلاں گی کتائی غے دوران تحفظ  
موثر ٹیکنالوجی بازار توڑی رسائی تے سرکاری سکیموں ور توجہ مرکوز کرن آلا  
پروگراماں غے ذریعے کساناں غا بیداری پروگرام مانہہ بابدو کی وبے اس سلسلہ  
مانہہ کاشتکاری گی جدید تکنیک وی موجود ہیں فارم ناہ مشینی بنان نانہہ فروغ  
دینو تے بیج گی تبدیلی گی وی بہت ضروری بے۔ بوٹاں گا تحفظ متی تے پانی گو  
انتظام مٹی گی جانچ واسطے مسائل ہیلتھ کارڈ گا  
استعمال بارے وی جانیو پالیو جائے۔

\*\*\*\*\*

#### WEATHER

محکمہ موسمیات نے پیشن گوئی کی بے کہ پلکیں جموں کشمیر مانہہ موسم  
عام طور ور خشک ت گرم رہن غی اُمید بے چند مقامات ور گرج چمک غے نال  
بارش وے گی جموں خطہ غا گُجھ ضلع مانہہ 13 ستمبر نانہہ سرگی ویلے گُجھ ایک  
مقامات ور گرج چمک غے نال بارش غا امکان ہیں۔

\*\*\*\*\*